



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 888. Usque Ad Annum 1000

**Fleury, Claude**

**August. Vind. [u.a.], 1761**

**VD18 90117921**

§. 39. S. Bernardus Episcopus Hildesheim.

---

[urn:nbn:de:hbz:466:1-66313](https://nbn-resolving.org/urn:nbn:de:hbz:466:1-66313)

Austrasiæ propinquum suum intrepide de- Sæculum X.  
tulit, quod feminam, quam proxima agna- A. C. 995.  
tione contingebat, duxisset, spreuitque  
periculum, cui exponebatur, potentem  
Principem offendens. Raptores Bonorum  
Ecclesiæ aut pauperum strenue perseque-  
batur, & Censuras Ecclesiasticas conte-  
nentes arrepto gladio sæculari castiga-  
bat, eorum agros vastabat, Arcesque di-  
ruebat. (\*) Presbyterorum filios, ubi  
aliunde dignos judicabat, dissimulato na-  
taliū probro ordinabat. Creavit au-  
tem Presbyteros ultra mille, Clericis in-  
ferioribus non numeratis. Postquam  
hac ratione Ecclesiam Metensem annis  
plusquam viginti rexisset, obiit decima  
quinta Dec. anno 1005. & in Ecclesia S.  
Symphoriani sepultus est.

## §. XXXIX.

*S. Bernwardus Episcopus Hildeshei-  
mensis.*

In Saxonia, Gerdago Episcopo Hildes- vit. n. 6.  
heimensi fati functo, Bernwardus, Att. SS.  
Regis Ottonis III. præceptor communi Ben. Sæc. 6.  
omnium consensu Successor eligitur, & p. 204.  
com-

(\*) Omnino coercendi sunt Censuræ Eccle-  
siasticæ contemptores; non autem Episcopi sed  
Principis gladio. Unde Adalberonis zelus ad-  
versabatur mansuetudini Ecclesiæ, quæ gladio  
sæculari non utitur.



Sæculum X. compluribus aliis nobilibus, inter Cleri-  
 A. C. 995. cos Palatii ministrantibus, præfertur.  
Sup. l. LVI. Eum Willegisus Archiepiscopus Mogun-  
 §. 58. tinus, ipsius Metropolitanus, decima quin-  
 ta Januarii anno nongentesimo nonagesi-  
 mo tertio, Indictione sexta, consecravit.  
 Adhuc juvenis morum gravitate senes su-  
 perabat, maximam noctis partem oratio-  
 ni dabat, in officiis divinis assiduus. Mis-  
 sa Solemni peracta, cunctos, qui in con-  
 spectum admitti petebant, audiebat; tum  
 succedebat ejus Eleemosynarius, per cu-  
 jus manus plusquam centum pauperi-  
 bus alimenta. & non nunquam pecunias  
 distribuebat. Artifices, quibus varia ope-  
 ra perficienda committebat, sua præsen-  
 tia sæpius excitabat ad sedulitatem. Ho-  
 ra nona prandebat multos Clericos Lai-  
 cosque mensæ adhibens, cunctis silentium  
 servantibus, ut lector exaudiri posset.  
 Contra leges frugalitatis nunquam pec-  
 cabat.

Omniū artium amantissimus, ubi  
 Episcopus fuit, eas impensius coluit. Li-  
 bros describi non solum in Monasterio  
 Ecclesiæ suæ Cathedralis, sed etiam in  
 pluribus aliis locis jubebat, unde Biblio-  
 thecam locupletissimam tam librorum  
 Ecclesiasticorum, quam Philosophicorum  
 collegit. Artem pingendi, opera mu-  
 siva, fabrilia, tam ex ferro, quam ex auro  
 ad perfectionem deduci cupiebat, accu-  
 rate



rate conquirens dona, ab exteris Regi <sup>Sæculum X.</sup>  
 missa, quæ aliqua ars usque eo ignota <sup>A. C. 995.</sup>  
 commendabat. Juvenes, quibus naturâ  
 raras dotes & ingenium dederat, his ar-  
 tibus informandos optimis magistris tra-  
 debat suis expensis alendos. Quamvis  
 vero Bernwardus Boni Pastoris officiis  
 semper esset intentus, tam strenue præ-  
 terea Regi & Reipublicæ serviebat, ut  
 aliis Optimatibus invidia dignus videretur.  
 Piratas Barbarosque Saxoniam jam  
 plurimis annis infestantes sæpius ipse vel  
 suis turmis, vel etiam amicorum copiis  
 auctus repulit. Verum prædones utra-  
 que Albis ripa, & fluvio navigiorum ca-  
 paci, soli potiebantur, unde in totam Sa-  
 xoniam diffusi, usque ad portas Hildes-  
 heimensis civitatis excurrebant. Qua-  
 re Bernwardus, ut Barbarorum ferociam  
 reprimeret, duas in diversis locis suæ  
 Diœcesis Arces condidit, & impositis  
 præsidiis securitatem patriæ præstitit.

Hisce expensis gravatus nihilominus  
 Ecclesiam suam acquisitis multis fundis  
 ditavit, pristinos excoluit, & pulcherri-  
 mis ædificiis decoravit. Ecclesiæ suæ  
 Cathedralis parietes exquisitis picturis  
 & laquearibus ornavit, permulta vasa ar-  
 gentea in officiis Divinis adhibenda, in-  
 ter alia calicem aureum viginti librarum  
 donavit, claustra muro & turribus cir-  
 cumdedit. Tandem Sacellum magnifi-  
 centiæ



Sæculum X.  
A. C. 995.

centiæ singularis ædificavit, in quo pars veræ Crucis, a Rege Ottone III. dono accepta, quæ complura miracula edidisse ferebatur, asservaretur, atque illud anno nongentesimo nonagesimo sexto, ordinationis suæ quarto, decima Septembris Deo solemniter consecravit.

## §. XL.

*S. Adalbertus in Bohemiam revocatur.*

*Act. SS.*  
*Ben. Sæc. 5.*  
*p. 870. Boll.*  
*23. Apr. 10.*  
*Il. p. 183.*  
*Sur. vit. n.*  
*25. p. 858.*

In Bohemia Boleslaus Dux, intelligens quantum absente S. Adalberto periclitaretur Ecclesia, postquam cum Clericis suis consultasset, ad Willegisum Archiepiscopum Moguntinum nuncios misit, qui dicerent: *Aut remitte nobis Adalbertum, Pastorem nostrum, quod præprimis exoptamus, aut alium nobis ordina.* Archiepiscopus veritus, ne populus Neophytus in pristinos errores relaberetur, Romam misit Legatos duos, Radlam, S. Viri Discipulum, & Zraqum monachum, ambos Ducis fratres, cum epistolis, in quibus Papam rogabat, ut Adalbertum redire juberet. Igitur Johannes XV. Romæ in hac causa Synodum convocavit anno nongentesimo nonagesimo quarto. Diu tenuit contentio inter Legatos Episcopum suum repetentes, & Romanos tantum virum retinere cupientes. Sed vicerunt tandem Legati,